

曾胡批牘下目錄

監利縣稟報徵收團練批

興國州紳士稟請州人捐餉贖罪批

咨湖南巡撫籌撥募勇口糧

藩司稟詳地丁撥濟軍餉批

札鮑游擊

超

司道稟報襄陽團勇潰散批

札催各州縣解欸

司道稟報剿匪大勝批

鹽法道稟報追剿襄匪克復房縣批

札營務處籌辦興國州碉堡

札各統領

咨巴副都統籌辦受降事宜二件

咨達陣亡副將周清元卹賞銀兩

新堤局中翟抽釐章程批

道府稟報襄陽牙釐大概情形

札霆營鮑副將喻都司

清查委員稟請先核歷任虧空批

南漳縣稟辦蝗孽情形批

安襄鄖荆道稟懇奏請開缺批

宜昌府稟覆平善壩土膏釐金批

荆宜施道等稟陳沙市客幫公懇變抽釐章程批

札信營謝都司智營余守備

札總緝臺

麻城縣稟覆修建碣樓批

蔡甸局呈解釐金批

漢陽府詳請漕折章程批

漢陽府稟陳錢漕積弊批

天門縣稟辦堤工批

漢陽府稟辦漢川沔陽漕南災緩批

札荆宜施道

江陵縣稟陳整頓錢漕積弊批

訓後營稟陳所部勞績懇請保獎批

咸豐縣稟陳講求吏治批

咸豐縣稟陳整頓錢糧革除冊書批

義營縷稟蘄州急務四端批

札蘄州牧

黃岡縣稟懇募勇並籌撥餉精批

札羅山縣及禮字營

黃州府稟覆趕緊催收錢漕各項批

荊門州稟陳設法籌解各欸批

襄陽道府稟請雇募壯勇彈壓防堵批

札各州縣革除錢漕弊政

道府稟覆襄陽地方情形批

東湖縣稟呈酌議條款批

宜昌府稟請將長楊縣興山縣分別記功批

黃州府稟報奏銷批

孝感縣報得雨批

咨各大帥

昌營 余際昌 稟陳兵事批

房縣謝稟批

委員稟覆監利縣漕征批

咨江楚各督撫

平善壩委員稟土販繞越情形批

札黃州府屬稟報礮卡章程

札委員查訪節孝

副訓營稟報探聞賊匪意圖竄犯楚疆批

荊州捐米分局稟陳分設捐局及委員銜名批

安徽潛山縣稟報地方情形批

副訓營稟請添招勇丁批

黃安縣稟陳羅麻等處賊探甚多批

管帶智營稟陳嚴防賊探批

咨川督

清查委員稟報沔陽推收批

札捐米總局

首府稟請酌予審案委員記功超委批

監利縣稟呈現辦各條清摺批

咨多副都統

委員稟呈各州縣節孝清冊批

札各釐局

咨楚督江督

札潛山令及各紳民

麻城縣稟撤營勇批

咨多副都統

咨多副都統

咨多副都統

咨多副都統

札各營及各委員

諭皖民

隨州稟復探報擒匪情形批

委員稟辦孝感縣碉卡批

飭各屬遵辦守禦事宜

大冶縣稟呈拏獲滋事匪徒批

霍山縣稟辦各處碉卡批

飭各統帶查辦各營

麻城縣稟陳地方情形批

札各州縣觀風

委員稟陳履勘黃陂縣碉卡批

道府稟擬廣仁倉各條批

麻城縣稟陳各局紳籌辦捐輸情形批

統帶梁守稟陳麻城各路地輿及守禦事宜批

札昌營余副將及霍山縣

安徽太湖縣稟陳籌運各項批

統帶梁守稟陳籌辦城守及分駐兩路口批

曾胡批牘下

益陽胡文忠公林翼

監利縣稟報徵收團練批 乙卯

近年州縣。非不知錢糧關繫。國計而動輒請免。特欲私肥其身耳。否則視國計盈虛。如秦人視越人之肥瘠。漠然不關於心耳。否則偷視息一時。視官事民事。若非己事者。姑諉其難耳。該署令知錢糧爲正供。其妥實爲之。開布公誠。百姓之天良。最爲真切。最易感動。行之以漸。積之以誠。斷無梗阻之虞。吏胥之奸久矣。不能一旦盡廢。此輩惟當寄耳目心腹於正士。不可循習舊俗。以書差爲政也。所論團練一節。凡釐金捐輸。均應報解。斷不准藉端濫支。本署部院素講團練。歷行七八年。然總以得人爲主。子游爲宰。首在得人。苟得其人。鳴琴可理。即長孺臥治。亦可理。不得其人。雖日夜劬勞。而無濟於治。求才之法。謀野則獲。謀邑則否。野多樸。而邑多巧。野尙質。而邑尙文也。又曹、劇、肉食者。鄙。未能遠謀一節。亦當深味。該令勤勤求治。惟實力實心。勉爲好官。不可虛生此

世。是爲至要。

興國州紳士稟請州人捐餉贖罪批

天下無一州士民。均甘從賊之事。所言莠少良多。自是情理。然此時天下之義兵多矣。卽如秦軍門從征六年。在舒城討賊立功。是興國有討賊之大臣。而莠民之從賊者。亦可羞矣。本部院望爾等共起義旗。斷賊糧餉。禁絕硝磺。密運奇計。掩其不備。招附賊之人。轉而殺賊。能作賊者。卽能殺賊。只在此心之轉移耳。本部院卽欲派餉。亦爾等義分當然。然尙非其時。亦非志在千石之米也。來稟不思向義。而專以利言。宜其見賊風靡見官。而又巧爲嘗試也。爾等能如我言。不愧義士才人。不如我言。卽百萬米石銀錢。亦不足贖爾州人之罪。去就從違。順逆禍福。爾等自擇之。

咨湖南巡撫籌撥募勇口糧

咨商事。本署部院。派游擊張榮貴。回南募勇二千人。分爲三營。每營以六百人爲率。並應創造新意小車六十架。每架安銅鐵百斤一尊礮位。分布三營。每營礮車二十架。實於吳楚沿江征剿。大有奇境。卽崇通興冶蘄黃之間。均可無堅不破。緣鄂皖吳會豫章

等省。凡商賈之運鹽茶。農民之推糞土。半用小車。既有地勢之相宜。無妨兵制之創造。行則摧堅及遠。居則設衛自籓。亦先賢李忠定車戰之遺法。若此軍練成。異日循江下擊。水陸相兼。必仰借盡勞。肅清吳楚。惟該遊擊回湘募勇。其起事口糧。及車礮帳房軍械軍火。仍祈盡懷籌度。飭局揀選頒給。到岳州以下。按日口糧。均由本署部院酌量迎提應付。爲此咨商。請貴部院速賜籌撥。

藩司稟詳地丁撥濟軍餉批

錢漕乃國家正供。催科爲州縣實政。稍形侵欠。立予叅追。況茲軍餉緊急之時。尤應力籌大局。該司所議完解章程。卽如詳辦理。惟地丁撥濟軍餉。據稱各營坐餉久懸。且與戶部所奏撥原案不符。所籌原屬周至。但湖北各路剿賊。原以奉調之兵。實多不力。方繼以勇。又因勇力過單。乃至上煩馬隊之救援。旁及湘軍與水師之策應。在此征兵眷屬。自應憐其貧苦。若坐食之兵。非萬分怯弱。濫充行伍。卽虛額冒銷。滋事有餘。殺賊不足。積弊如茲。實堪痛恨。蓋勞逸安危之局。在征兵。而不在坐食之兵。勝敗存亡之機。在行營。而不在妻孥眷屬。輕重之情。不煩言而解。至每年額征地丁全數。及兵餉每年

若干。此外尙有何法。可以自食其力。自強其兵。著再詳細查復。另爲妥議。應如何移緩就急。作爲借款再籌他項彌補。均俟另詳後。咨商督部堂酌行。

札鮑游擊超

照得本營拾槍鳥槍。與刀矛分隊。相間而行。第一隊拾槍。第二隊刀矛。第三隊鳥槍。第四隊刀矛。第五隊拾槍。第六隊刀矛。第七隊鳥槍。第八隊刀矛。第九隊十隊均刀矛。是長短相兼。奇正互應之法。至李道湘營陣法。則第一隊至十六隊。均是槍礮與刀矛。相間相兼。雖悍賊四面攻襲。而我兵可以常勝。本部院心以爲然。改而師之。該游擊擬拾槍百人爲一隊。鳥槍百人爲一隊。反復思之。仍不如師法李道章程。分哨分隊。刀矛夾護爲穩。假如臨陣之時。或賊分五路而來。則我分五哨以應之。哨中各有拾槍鳥槍刀矛。或追賊之時。零星四散。亦不能不分哨以追之。則各哨皆有拾槍鳥槍刀矛相護。乃合長短兼用之法。又如一營深入賊中。賊衆三面抄襲。則各哨分三面抵禦。各有槍礮刀矛。較爲得力。合行札飭。札到該將刻卽稟商兵部正郎左。將此義細心講求。並商請南紳卽補道王。將營政兵法。求才方畧。精微義理。日夜虛心請教。詳悉而另記之。毋得

見小自是。勉之望之。

司道稟報襄陽團勇潰散批

襄陽縣北鄉。鄧桃湖竹篠鋪一帶。匪徒聚集。團勇潰散。即經督部堂派常鹽道。帶勇兼程速援矣。此等匪徒。無論有無逃出長髮在內。而捻匪私販游勇地痞。四種必多。起事之處。距襄郡數十里耳。前月三十日。該襄陽縣稟查保甲。尙出具地方安靜。並無藏匿匪徒印結。事隔一宵。遽形變態。朝廷法令。概爲具文。浮詞塞責。是其明證。襄陽團練已辦數年。若何而團。若何而練。何至不諳隊伍。遇此小賊。紛紛潰散。然則前此襄陽無事。實貪天功。小民受其苛擾。官吏濫膺保薦。布政司會同襄陽道。設法剿捕。一面速飭各州縣各集各團。曉以大義。扼要堵截。高處建寨。低處修堡。堅壁清野。即可立殲渠惡。解散脅從。幸勿再涉官套。視爲虛文。聽信左右。以意爲之。其襄陽府縣。平日居官。所辦何事。亦飭司道嚴查稟覆。

札催各州縣解款

照得武漢城賊。十分窮蹙。克復可期。惟賊援接濟已絕。我軍亦饑疲可虞。本部院勇無

濫冒戰悉爭先。圍鄂逾年。城未即下。是本部院之罪。籌兵籌餉。鉅細必親。是本部院之苦。巨寇未平。小醜竊發。牙釐各款。已失望於襄樊。風鶴之聲。更阻餉於秦晉。現在營中。養傷者。藥餌無資。陣亡者。卹葬無費。陸軍以藜藿和羹。水師或豆渣爲食。猶復軍無懈志。勇不鬧糧。但以餉之不來。彌恨賊之久。踞將士堅忍之心。時事艱難之狀。實所共知。合亟八百里插翼飛催。立將所有捐輸釐金。無論何款。星夜解營。以濟急需。但得數衍兩月。即可連復二城。共勵三軍。毋虧一簣。切速切速。

司道稟報剿匪大勝批

治亂民。如治亂絲。亂者必斬。不可姑息。地方官其於此次懲創之後。另行曉諭。解脅擒渠。師渤海之法。而通其意。又所謂治亂民。如治亂繩。不可急也。大抵吏治不飭。兵禍乃起。非得良有司與士民相親者。不能救斯民於水火矣。司道均骨鯁忠良。耆艾魁梧之彥。勉紓楚禍。益勵遠猷。

鹽法道稟報追剿襄匪克復房縣批

襄匪上竄。如果力追迅剿。何難聚而殲旃。乃任賊狂竄。肆擾無忌。及賊破失州縣。鮑掠

而去。則又鋪叙戰事。自詡收復。試問果能復之於後。何不剿之於前。是剿禦無能。貽害生靈。當亦捫心自愧。倘仍玩愒不前。督剿不力。致令地方失守。定惟該道是問。恐不能當此重咎也。速加擊剿。毋事尾追。

札營務處籌辦興國州碉堡

據代理興國州宋令稟。齎驛站地名里數摺內。聲明與大冶連界之黃連港。江西瑞昌連界之黃岡橋。均係當衝之地。又與通山連界之慈口。臨江之黃額口。均係稍偏之地。查該州地外連江西潯瑞兩郡。本省則接壤崇通各縣。而且外濱大江。內多崇山。爲自古用武者所必爭。今江西逆匪未靖。伏莽尙多。亟宜擇要設防。以固邊圉而壯聲援。該守宜採訪古今成跡。訪察形勢。於前開當衝當偏四處。或應於他處險要。設碉建堡。派民夫團練防守。如昔人堅壁清野之法。今發去鄉守輯要一冊。俾悉心妥籌。

札各統領

探聞荆襄賊匪。現雖分竄。仍以南漳爲歸宿。該縣地處萬山。周圍八百餘里。此時居民搬空。大兵進剿。覓路甚難。更恐匪人導引奸計。不可不防。

從前川楚教匪滋事。官兵深受其害。

該縣東北。

各路。山少田多。馬步各隊進征。尙易。西南各路。翻山越嶺。道途叢雜。溪澗甚多。

前漢檀溪卽此

地俗指爲荊州北門外者非

須看天時地勢。三四月間。低窪之處。雨後卽防山水暴漲。一發數丈。建瓴

而下。如高岡之處。山寨極多。形如城郭。其路僅有一線。可登居民。每多蓄糧囤積於上。

此時恐已搬移。我兵駐寨。賊必設計困我。我兵分擊。賊必占寨死守。惟有積薪聚草。看

風發火以攻之。

嘉慶四年賊以此計攻寨

大兵切忌呆守一處。

前辦川楚教匪官兵卽犯此病

若由襄陽進攻。保護方

堰。則李家冲。南神農祠。東八都河。西九仙觀。北等處。防賊抄我之後。若由光穀進兵。來

城。則沐浴里。丁家集。杆子口。騎龍集。木林榜等處。須遙爲聲勢。山內洞口。旣多且深。如

水鏡莊等處。山洞寬袤。十數里不等。賊窮必將糧食及擄脅男婦窩藏其內。

歷次辦理拐販婦女多

半在

此。容納千人。而不知覺。尤須處處留意。或封或搜。大兵怕輕進入山。怕食淡。

官軍會督勇前進

饑餓三日

而不得食。投誠防詐。降窮追怕迷路。進剿時宜節節多設疑兵。現聞襄郡荆門兩路進

剿。賊必西走保康。如從峽口店子。掙一帶迎頭追下。賊必東奔。如劉猴集等處。數州縣

交界。向爲盜賊淵藪。該處形勢東南最低。倘追至該處。三四月間。尙未得手。宜急放堰

塘之水。或開沮漳之河。卽可取勝。

咸豐四年賊陷荆門至清溪河。值農民放水擊退。

慎之慎之。